

Վարչական տույժ նշանակելու մասին

«02» հունիս 2023թ.

ք. Վանաձոր

ՀՀ ՊԵԿ Արևելյան մաքսատուն-վարչության պետ Հայկ Միրզոյանս, ուսումնասիրելով Հայաստանի Հանրապետության քաղաքացի Արուս Հակոբի Հովհաննիսյանի /անձն. AR0676697, ծնված՝ 08.02.1978թ., հասցեն՝ 0005, ՀՀ Երևան, Արցախի փ., շենք 23, բն. 511/ կողմից, մաքսային կանոնների խախտման վերաբերյալ նյութերը,

Պ Ա Ր Զ Ե Ց Ի

2022թ.-ի դեկտեմբերի 11-ին ՀՀ ՊԵԿ ԱՄՎ Բագրատաշենի մաքսային կետ-բաժին է ժամանել քաղաքացի Արուս Հովհաննիսյանը՝ իր հետ տեղափոխելով 1 հատ 231 գրամ ընդհանուր քաշով արծաթանման վզնոց, որը նույն օրը հանձնվել է մաքսային մարմինների ժամանակավոր պահպանմանը /համաձայն՝ «Մաքսային մարմինների ժամանակավոր պահպանման պահեստներում մաքսային մարմինների կողմից ապրանքները և տրանսպորտային միջոցները ժամանակավոր պահպանման վերցնելու» թիվ 310 անդորրագրի/։ Ժամանակավոր պահպանման ժամկետը ավարտվել է 12.04.2023 թվականին։ Նշված ապրանքի վերաբերյալ սահմանված ժամկետում Արուս Հովհաննիսյանը մաքսային հայտարարգիր չի ներկայացրել, որի համար կազմվել է ապրանքների և դրանց վերաբերյալ փաստաթղթերի արգելապահման արձանագրություն։

Փաստի առթիվ Արուս Հովհաննիսյանի նկատմամբ կազմվել է մաքսային կանոնների խախտման վերաբերյալ արձանագրություն «Մաքսային կարգավորման մասին» ՀՀ օրենքի 304-րդ հոդվածի հատկանիշներով։

Նշանակվել է վարչական գործի լուծման 2023թ.-ի ապրիլի 27-ին ժամը 11:30-ին և գործի քննություն 2023թ.-ի մայիսի 5-ին ժամը 11:30-ին՝ ՀՀ ՊԵԿ Արևելյան մաքսատուն-վարչության վարչական շենքում, որի վերաբերյալ վերջինիս կողմից ապրանքները պահեստ հանձնելու ժամանակ հայտնաձև հասցեին ուղարկվել է ծանուցագիր, սակայն ծրարը

վերադարձել է «Չպահանջված» նշագրմամբ: Վարչական գործի լսումները և գործի քննությունը տեղափոխվել և նշանակվել են 2023թ.-ի մայիսի 31-ին ժամը 10:30-ին և համապատասխանաբար՝ 2023թ.-ի հունիսի 2-ին ժամը 17:00-ին, որի վերաբերյալ վերջինիս հասցեին ուղարկվել է ծանուցագիր, սակայն ծրարը կրկին վերադարձվել է «Չպահանջված» նշագրմամբ:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ «Ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի»:

Նույն օրենսգրքի 110-րդ հոդվածի 1-ին կետի համաձայն՝ «Միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում»:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

Նույն հոդվածի 2-րդ մասի համաձայն՝ «Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Նույն հոդվածի 3-րդ մասի համաձայն՝ «Սույն գլխում կիրառվող հասկացությունները օգտագործվում են Միության մաքսային օրենսգրքի և Վարչական իրավախախտումների վերաբերյալ Հայաստանի Հանրապետության օրենսգրքի իմաստներով»:

«Մաքսային կարգավորման մասին» ՀՀ օրենքի 304-րդ հոդվածի համաձայն՝ «Սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը, առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Վարչական վարույթի նյութերի ուսումնասիրության ընթացքում պարզվել է որ ժամանելով մաքսակետի տարածք ՀՀ քաղաքացի Արուս Հովհաննիսյանը իր հետ տեղափոխել է՝ 1 հատ 231 գրամ ընդհանուր քաշով արծաթանման վզնոց, որը նույն օրը հանձնվել է մաքսային մարմինների ժամանակավոր պահպանմանը /համաձայն՝ «Մաքսային մարմինների ժամանակավոր պահպանման պահեստներում մաքսային մարմինների կողմից ապրանքները և տրանսպորտային միջոցները ժամանակավոր պահպանման վերցնելու» թիվ 310 անդորրագրի/: Ժամանակավոր պահպանման ժամկետը ավարտվել է 12.04.2023 թվականին: Նշված ապրանքների վերաբերյալ սահմանված ժամկետում Արուս Հովհաննիսյանը մաքսային հայտարարգիր չի ներկայացրել, որի համար 13.04.2023թ.-ին կազմվել է ապրանքների և դրանց վերաբերյալ փաստաթղթերի արգելապահման արձանագրություն:

Այսպիսով նյութերով պարզվել է, որ Արուս Հովհաննիսյանի արարքում առկա է «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 304-րդ, 322-րդ, 334-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար, Արուս Հովհաննիսյանին ենթարկել վարչական պատասխանատվության՝ տուգանելով **30000 (երեսուն հազար)** ՀՀ դրամի չափով:
2. Որոշման մասին հայտնել Արուս Հովհաննիսյանին:
3. Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

Սույն որոշմամբ նշանակված տուգանքի վճարման հաշվեհամարն է. **900005024055՝** (Արևելյան մաքսափուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ

ՀԱՅԿ ՄԻՐԶՈՅԱՆ